

XEDAPEN OROKORRAK

EKONOMIAREN GARAPEN ETA AZPIEGITURA SAILA

4663

147/2019 DEKRETUA, irailaren 24koa, zeinaren bidez hirugarrenez aldatzen baita Zientzia, Teknologia eta Berrikuntzaren Euskal Sarearen osaera arautzen eta gaurkotzen duen Dekretua.

Ekainaren 23ko 109/2015 Dekretua argitaratu zenetik iragan den aldian (2015eko uztailaren 16ko EHAA, 133. zk.), dekretu horren zenbait artikulua eta eranskin aldatu beharra nabaritu da haren edukiak Zientzia, Teknologia eta Berrikuntzaren Euskal Sarearen beharrezanetara oro har eta bereziki zenbait eragileren beharrezanetara egokitzeko funtsezko xedearekin, horrela Sareko eragileek emaitzen eraginkortasuna eta norabidea handitzeko eta eragile horiek EAEko ekoizpen-eta gizarte-sareari egiten dioten ekarpena hobetzeko, lankidetzaren eta osagarritasunaren bidez.

Bi arrazoiengatik gertatzen da aldaketa hau, funtsean:

1.– Aldaketa esanguratsuak gertatu dira euskal sistema sanitario publikoko I+G+b erakundeen baitako egituraketa-prozesu gradualaren ondorioz.

2.– 2018. urtean akreditatutako eragileei egindako jarraipen-prozesua eginda, haien datuak eguneratuta eta jasotako informazioa eta 2014-2017 aldian lortutako emaitza orokorrak aztertuta, eragileek kategoria batzuetarako galdatutako eskakizun zenbait egokitzeko beharrezan atzeman da.

Aldaketa horien xedea da Zientzia, Teknologia eta Berrikuntzako Euskal Sareko eragile esanguratsuek haien lana haien gaitasun eta aukera errealei hobekien egokitzen zaizkien baldintzetan betetzen jarraitu ahal izan dezaten erraztea, euskal gizarte- eta enpresa-sareari egiten dioten emaitzen beharrezko ekarpena aintzat hartuta, betiere.

Xede hauek ditu ekainaren 23ko 109/2015 Dekretuaren aldaketa honek:

a) I+G Erakunde Sanitarioen eta Ikerkuntza Sanitarioko Institutuen kategorietan ezarritako eskakizunak egokitzea, eta kategoria horietako baten izena aldatzea.

b) Zentro Teknologikoen eta Ikerketa Kooperatiboko Zentroen kategorietarako ezarritako eskakizun batzuen definizioak aldatzea.

c) Ikerketa Kooperatiboko Zentroei galdatutako zenbait eskakizun egokitzea, 2020an betetzeko.

d) Bi eragile berri sartzea Eragile Berezien kategorian.

Ondorioz, Ekonomiaren Garapen eta Lehiakortasuneko sailburuak, Hezkuntzako sailburuak eta Osasuneko sailburuak proposatuta, eta Gobernu Kontseiluak 2019ko irailaren 24an egindako bilkuran proposamena aztertu eta onartu ondoren, hau

XEDATZEN DUT:

Lehenengo artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren 3.2.e) artikulua aldatzen da, eta honela idatzita geratzen:

e) Ikerketa Sanitarioko Zentroak.

Nukleoa osasun-erakunde batean edo gehiagotan duten ikerketa- eta berrikuntza-erakundeak dira Ikerketa Sanitarioko Zentroak, eta haien eginkizun nagusia da ikerketa traslazonala egitea.

Bigarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren 9. artikulua aldatzen da, eta honela idatzita geratzen:

9. artikulua.– Ikerketa Sanitarioko Zentroak.

1.– Zeregina:

Kalitate handieneko ikerketa traslazonala egitea. Horretarako, ezagutza sortuko eta aplikatuko da, eta Euskadiko Sistema Sanitarioari, pazienteari eta, oro har, gizarteari azalduko zaizkio zerbitzu sanitarioetako nahiz osasun publikoko oinarrizko ikerketako, ikerketa klinikoko eta epidemiologikoko emaitzak. Gainerako eragile zientifiko/teknologikoekin eta enpresekin lankidetzan arituko dira institutu hauek, eta teknologia medikoko eta sanitarioko berrikuntzaren alde egingo dute. Emaitza horiek Euskadiko Sistema Sanitarioaren kalitatea hobetuko dute, eta EAEn aberastasuna sortzen lagunduko.

Ikerketa Sanitarioko Zentroek laguntzen dute sistema sanitarioaren programak eta politikak zientifikoki oinarritzen.

Gainerako eragileekin elkarlanean eta koordinatuta aritzeko konpromisoarekin jardun behar dute Ikerketa Sanitarioko Zentroek, EAEn existitzen diren gaitasunak optimizatzeko.

2.– Jarduerak:

a) Ezagutza sortzea eta aplikatzea osasuneko ikerketa translazionalaren bidez.

b) I+G+b emaitzak ustiatzea bai merkataritzan bai Euskadiko Sistema Sanitarioan inplementatuta.

c) Unibertsitateko graduako eta graduondoko prestakuntzan laguntzea eta unibertsitate-prestakuntzarekiko osagarriak diren prestakuntza-jarduerak egitea.

d) Ezagutza zabaltzea eta transferitzea.

Hirugarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren 10. artikulua aldatzen da, eta honela idatzita geratzen:

10. artikulua.– I+G Sanitarioko Erakundeak.

1.– Zeregina:

Osasuneko ikerketa- eta berrikuntza-jarduerak egitea, baita horiek sustatzeko eta kudeatzeko jarduerak ere. Horrela, bestelako eragile, enpresa eta sektoreekiko lankidetzaz erraztuko da, Euskadiko aberastasun-sorkuntzari eta garapen sozioekonomikoari laguntzeko xedez.

I+G Sanitarioko Erakundeek gainerako eragileekin elkarlanean eta koordinatuta aritzeko konpromisoaz jardun behar dute EAEn existitzen diren gaitasunak optimizatzeko.

2.– Jarduerak:

I+G Sanitarioko Erakundeek jarduera hauetako batzuk edo guztiak egingo dituzte:

a) Ikerketa eta berrikuntza sustatzea.

b) Ezagutza sortzea eta aplikatzea oinarrizko ikerketaren, ikerketa industrialaren eta osasuneko garapen esperimentalaren bidez.

c) I+G+b emaitzak ustiatzea.

d) Ezagutza gizarterantz zabaltzea eta transferitzea.

Laugarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren 16. artikuluen 5. eta 6. puntuak aldatzen dira, eta honela idatzita geratzen:

5.– Ikerketa Sanitarioko Zentroak.

Zientzia, Teknologia eta Berrikuntzaren Euskal Sarean Ikerketa Sanitarioko Zentro gisa integratu ahal izango dira Osasun Sailaren eskumeneko arloetako lehentasunekin eta politikekin bat egiten duten eta ikerketako eragile bat izateko beharrezanetik sortzen diren erakundeak. Eragile horrek, eredu zehatz honen bidez, Zientzia, Teknologia eta Berrikuntzaren Euskal Sistemaren beharrezan beteko ditu Euskadiko Sistema Sanitariorako lehentasunezko iritzitako esparruetan.

Ikerketa Sanitarioko Zentroak EAEn egongo dira kokatuta, eta zentro sanitario batean edo gehiagotan izango dute nukleoa, betiere, ezagutza sortzeko eta/edo teknologia garatzeko jarduerak egiten badituzte, baita izaera orokorrarekin ezagutza eta teknologia hori transferitzeko eta hedatzeko jarduerak egiten badituzte ere, ikerketa translazionalaren ikuspegitik.

a) Egitura, finantzaketa eta gobernantza:

Ikerketa Sanitarioko Zentroetako plan estrategikoen eta operatiboen arabera definituta eta plan horiei lotuta egongo dira egitura, finantzaketa eta gobernantza. Plan horiek zentroetako gobernu-organismoek onartu beharko dituzte, zeinetan parte hartzen baitu administrazio sanitarioak. Barne Araubiderako Erregelamendu komun batek zuzenduko ditu planok.

b) Plan estrategikoa eta adierazleak:

Plan estrategiko bat eta emaitza zientifikoek, osasunaren hobekuntzari aplikatu dakizkiokeen emaitzen eta emaitza ekonomikoek adierazle batzuk izango dituzte Ikerketa Sanitarioko Zentroek. Dekretu honen II. eranskinean zehazten dira gutxienezko adierazleak.

6.– I+G Sanitarioko Erakundeak.

Zientzia, Teknologia eta Berrikuntzaren Euskal Sarean Ikerketa eta Garapen Sanitarioko Erakunde gisa (I+G) integratu ahal izango dira ikerketa sanitarioko eragile bat izateko beharrezanetik sortzen diren erakundeak. Eragile horrek Zientzia, Teknologia eta Berrikuntzaren Euskal Sistemaren beharrezan beteko ditu Euskadiko Sistema Sanitariorako lehentasunezko iritzitako esparruetan.

Ikerketa eta Garapen (I+G) Sanitarioko Erakundeek nortasun juridiko propioa izango dute, eta erakunde horietako estatutu sozialek espresuki jasoko dituzte haien helburuak eta/edo jarduerak. EAEn egongo dira kokatuta, eta bertan egin beharko dituzte osasuneko ezagutza sustatzeko, sortzeko eta/edo aplikatzeko jarduerak, baita ezagutza horren transferentzia eta hedapena ere.

2019ko urriaren 11, ostirala

a) Egitura, finantzaketa eta gobernantza:

Egitura, finantzaketa eta gobernantza erakundeko plan estrategikoen eta operatiboen arabera definituta eta horiei lotuta egongo dira. Plan horiek zentroetako gobernu-organoek onartu beharko dituzte.

b) Jarduketa-plana eta adierazleak:

I+G Sanitarioko Erakundeek beren jarduerak zehazteko jarduketa-planak izango dituzte, eta beste eragile batzuen eginkizunarekin eta helburuekin koordinatuta eta Zientzia-Teknologia-Enpresa-Gizartea Sistemari integratzeko konpromisoarekin, sustatuko dute estrategia orokorrekin bat egitea dagozkien adierazleak jarraipena eginda. Adierazle horiek erakunde horietako gobernu-organoek onartuko dituzte.

Bosgarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren 19.4 artikulua aldatzen da, eta honela idatzita geratzen:

4.– Ikerketa Sanitarioko Zentroek eta I+G Sanitarioko Erakundeek:

a) Ikerketa Sanitarioko Zentroentzat, Ikerketa Sanitarioko Institutu gisa egiaztatzeko agiriaren kopia, ISCIII erakundeak emana (dekretu honen II. eranskineko eskakizunak betetzen direla bermatzen du erakunde honek), edo Institutuko gobernu-organoek onartutako plan-estrategikoa eta jardueraren memoria.

b) I+G Sanitarioko Erakundeentzat, haien gobernu-organoek onartutako jarduerak zehazten dituen jarduketa-plana.

Seigarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren II. eranskina aldatzen da, eta honela idatzita geratzen:

II. eranskina, Ikerketa Sanitarioko Zentroei dagokiena, Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuarena.

Eranskin honen helburua da Zientzia, Teknologia eta Berrikuntzaren Euskal Sareko Ikerketa Sanitarioko Zentroek bete beharreko eskakizunak zehaztea; hauek izan behar ditu, labur esanda:

– Zuzendaritza zientifiko bat edo antzeko karguren bat duen antolamendu-egitura bat, eta gobernu- eta ordezkartza-organo bat, erakundeak batzea babesten duen lotura juridikora egokitu. Gobernu-organo horretan, institutua osatzen duten zentro guztiak egongo dira ordezkartuta, eta bertan izendatuko da horien legezko ordezkaria.

– Ikerketaren kudeaketa-egitura bakarra, zerbitzu sanitarioen erakundeetako laguntza- eta irakaskuntza-kudeaketatik bereizita. Egitura horrek beharrezkoa den euskarria eskainiko du arlo ekonomikoan eta administratiboan zein giza baliabideen arloan, eta lotura gisa jardungo du ikerketako emaitzen transferentzia egiteko bulegoarekin, Berrikuntza eta Ikerkuntza Sanitariorako Euskal Fundazioan (BIOEF).

– Plan estrategiko bat.

– Kanpoko Batzorde Zientifiko bat, institutuaren kalitate zientifikoa zaintzeko eta zuzendaritza zientifikoari aholkuak emateko.

- Babes-zerbitzu komunak: antzeko ikerketaren edo egituren oinarria izango diren unitateak izango dira hainbat talderentzat edo ikerketa-lerroentzat interesgarriak diren alderdi metodologikoetan edo instrumentaletan.
- Ikerketako prestakuntza-plan bat, gehienbat, hirugarren zikloko programekin lotura izango duena.
- Idatzizko gida bat, ikerketako kalitatea, etika eta jardunbide egokia eta zientifikoa bermatzeko, lege-xedapenak betetzen direla bermatzeko eta jarduketa-eremu honetan eskuarki onartutako printzipioak bermatzeko.
- Zentroko jardueretan parte hartzen duen eta hainbat zentrotatik datorren pertsonalaren errejestro bat. Han adieraziko da pertsonal horrek zentro horiekiko zein lotura duen.
- Datuen eta egindako I+G+b jardueren errejestro bat.
- Finantzaketa-plan bat, egitura- eta funtzionamendu-beharrizanak kontuan izango dituen, eta ibilgetu guztirako lehiakorra ez den finantzaketa (publikoa edo pribatua) lortzen saiatuko dena, baita mantentze-kostuen finantzaketaren % 60-70 ere.
- Institutu horien jarraipena eta ebaluazioa egiteko emaitzen adierazle batzuk, besteak beste:
 - Emaidza zientifikoen adierazleak.
 - JCR-ISI aldizkariko argitalpenak, guztira.
 - Lehenengo kuartileko argitalpenen kopurua, guztira.
 - Inpaktu-faktorea, guztira.
 - Aipamenen kopurua, guztira.
 - Dokumentu bakoitzeko aipamenen kopurua.
 - Osasuna hobetzeko aplikatutako emaitzen adierazleak.
 - Saio kliniko aktiboen kopurua eta horien fasea.
 - Amaitutako saio klinikoaren kopurua eta horien fasea.
 - Aldizkari zientifikoetan argitaratutako saio klinikoetako emaitzen kopurua eta horien inpaktu-faktorea.
 - Aldizkari zientifikoetan argitaratutako praktika klinikoaren gidak eta horien inpaktu-faktorea.
 - Ereduen, prozesuen, tresnen eta/edo garatutako teknika klinikoaren edo antolaketakoaren kopurua.
 - Praktika asistentzian inplementatutako emaitzak.
 - Emaidza ekonomikoaren adierazleak.
 - Eskatutako patenteen kopurua.
 - Emandako patenteen kopurua.

2019ko urriaren 11, ostirala

- Ustiatutako patenteen kopurua.
- Patenteetatik, royalty-etatik, industriarekin dituen kontratuetatik eta zerbitzu-ematetik lortutako diru-sarrerak.
- Ikerketa-jardueraren adierazlea.
- Proiektu aktiboen kopurua, entsegu klinikoetatik bereiziz.
- Jatorri publikoko funtsa duen proiektu-kopurua: jatorri pribatuko funtsak eta zenbatekoak.
- Espainiako eta/edo nazioarteko bikaintasun-sareetan parte hartzea.

Zazpigarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren III. eranskineko 1.1.1, 1.1.2 eta 1.2 koadroak aldatzen dira, eta honela idatzita geratzen:

1.1.1.– Foku anitzeko teknologia-zentroak.

	Egiaztapen-eskabidea egitean bete beharreko eskakizun espezifikoak	2020. urtea amaitu baino lehen bete beharreko eskakizun espezifikoak
Egitura	<ul style="list-style-type: none"> • Plantilla \geq 50 pertsona • Gutxienez I+G ikertzaileen % 10 doktore-tituluduna 	<ul style="list-style-type: none"> • Zentroko zuzendari nagusiak doktore-titulua eta enpresa-kudeaketako masterra edo esperientzia profesional baliokidea izan behar ditu. • Gutxienez I+G ikertzaileen % 20 doktore-tituluduna (zentrokoak eta atxikiak)
Finantzaketa	Zentro pribatuetarako: <ul style="list-style-type: none"> • Eusko Jaurlaritzaren finantzaketa publiko ez-lehiakorra \leq zentroko I+G ustiaketa-sarreraren % 30 • Finantzaketa pribatua \geq I+G ustiaketa-sarreraren % 35 Zentro guztietarako: <ul style="list-style-type: none"> • Gutxienez 25 bezero desberdin izan behar dituzte, 10.000 euroko edo hortik gorako I+G jarduerak kontratatuta izango dituztenak itxitako azken ekitaldian 	Gutxienez 35 bezero desberdin izan behar dituzte, 10.000 euroko edo hortik gorako I+G jarduerak kontratatuta izango dituztenak itxitako azken ekitaldian
	Zentro pribatuetarako: <ul style="list-style-type: none"> • Gobernu-organoetako enpresa-ordezkaritza \geq % 50 	
Kudeaketa		UNE ISO 166.002 arauarekin edo arau baliokide batekin bat datorren I+G+b-ko kudeaketa-sistema ziurtatu bat izan beharko da. Sistema horrek gaitasunak eta karrera profesionalak garatzeko plan homogeen bat izan behar du, dekretu honen IV. eranskinan zehaztutakoa kontuan hartuta.

1.1.2.– Teknologia Zentro Sektorialak.

	Egiaztapen-eskabidea egitean bete beharreko eskakizun espezifikoak	2020. urtea amaitu baino lehen bete beharreko eskakizun espezifikoak
Egitura	<ul style="list-style-type: none"> Plantilla \geq 25 pertsona 	<ul style="list-style-type: none"> Zentroko zuzendari nagusiak doktore-titulua eta enpresa-kudeaketako masterra edo esperientzia profesional baliokidea izan behar ditu. Gutxienez I+G ikertzaileen % 20 doktore-tituluduna (zentrokoak eta atxikiak)
Finantzaketa	<p>Zentro pribatueterako:</p> <ul style="list-style-type: none"> Finantzaketa pribatua \geq I+G zentroaren ustiaketa-sarreraren % 35 <p>Zentro sektorial guztietarako:</p> <ul style="list-style-type: none"> Gutxienez 10 bezero desberdin izan behar dituzte, 10.000 euroko edo hortik gorako I+G jarduerak kontratatuta izango dituztenak itxitako azken ekitaldian 	
Gobernantza	<p>Zentro pribatueterako:</p> <ul style="list-style-type: none"> Gobernu-organoetako enpresa-ordezkaritza \geq % 50 	
Kudeaketa		<p>UNE ISO 166.002 arauarekin edo arau baliokide batekin bat datorren I+G+b kudeaketa-sistema ziurtatu bat izatea. Sistema horrek gaitasunak eta karrera profesionalak garatzeko plan homogeenoa bat izan behar du, dekretu honen IV. eranskinean zehaztutakoa kontuan hartuta.</p>

2.– Ikerketa Kooperatiboko Zentroak (IKZ).

	Egiaztapen-eskabidea egitean bete beharreko eskakizun espezifikoak	2020. urtea amaitu baino lehen bete beharreko eskakizun espezifikoak
Egitura	<ul style="list-style-type: none"> Plantilla \geq 50 pertsona Gutxienez I+G ikertzaileen % 40 doktore-tituluduna 	<ul style="list-style-type: none"> Zentroko zuzendari nagusiak doktore-titulua eta enpresa-kudeaketako masterra edo esperientzia profesional baliokidea izan behar ditu. Gutxienez I+G ikertzaileen % 60 doktore-tituluduna (zentrokoak edo atxikiak)
Finantzaketa	<p>Eusko Jaurlaritzaren finantzaketa publiko ez-lehiakorra \leq zentroko I+G ustiaketa-sarreraren % 70</p>	<ul style="list-style-type: none"> Finantzaketa pribatua \geq I+G ustiaketa-sarreraren % 10% Gutxienez 20 bezero desberdin izan behar dituzte, 10.000 euroko edo hortik gorako I+G jarduerak kontratatuta izango dituztenak itxitako azken ekitaldian.
Gobernantza	Gobernu-organoetako enpresa-ordezkaritza \geq % 30	
Kudeaketa		<p>UNE ISO 166.002 arauarekin edo arau baliokide batekin bat datorren I+G+b-ko kudeaketa-sistema ziurtatu bat izan behar da. Sistema horrek gaitasunak eta karrera profesionalak garatzeko plan homogeenoa bat izan behar du, dekretu honen IV. eranskinean zehaztutakoa kontuan hartuta.</p>

2019ko urriaren 11, ostirala

Zortzigarren artikulua.– Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuaren V. eranskina aldatzen da, eta honela idatzita geratzen:

V. eranskina, Zientzia, Teknologia eta Berrikuntzako Euskal Sistemako eragile bereziei dagokiena, Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuarena.

Eranskin honen xedea da publikotasuna ematea Zientzia, Teknologia eta Berrikuntzaren Euskal Sareko Eragile Bereziei, eta eragile berezi gisa emango zaie alta Zientzia, Teknologia eta Berrikuntzaren Euskal Sareko Eragileen Erregistroan.

Eragile hauetako bakoitza berezia eta bakarra denez eta Zientzia, Teknologia eta Berrikuntzako Euskal Sistemaren bermatzaileak direnez, Zientzia, Teknologia eta Berrikuntzako Euskal Sarearen berezko eragiletzat hartzen dira.

Honako hauek dira eragile bereziak:

- a) Bikaintasunerako Euskal Fundazioa, Euskalit.
- b) Basque Foundation for Science, Ikerbasque.
- c) Berrikuntzaren Euskal Agentzia, Innobasque.
- d) Osasun Berrikuntza eta Ikerketaren Euskal Fundazioa, BIOEF.
- e) Euskal Partzuergo Zientifiko-Teknologikoa – Basque Research and Technology Alliance, BRTA.

AZKEN XEDAPENA

Dekretu hau Euskal Herriko Agintaritzaren Aldizkarian argitaratu eta biharamunean jarriko da indarrean.

Vitoria-Gasteizen, 2019ko irailaren 24a.

Lehendakaria,
IÑIGO URKULLU RENTERIA.

Ekonomiaren Garapeneko eta Azpiegituretako sailburua,
MARÍA ARANZAZU TAPIA OTAEGUI.

Hezkuntzako sailburua,
CRISTINA URIARTE TOLEDO.

Osasuneko sailburua,
MIREN NEKANE MURGA EIZAGAECHEVARRIA.